



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quód non oporteat episcopum per pecuniam quem piam ordinare. cxii.

urn:nbn:de:hbz:466:1-10722

D. BVRCHARDI EPIS. VVORMAC.

Seuerum fratrem & coēpiscopum nostrum , vt, si necesse fuerit, ipse in supradicta Ecclesia, consideratis patrū regulis, hoc fungatur officio, quo ille abusus esse conuictus est: ita vt hi qui illicitè ab eodem sunt prouecti, ab ecclesiasticis ministeriis remoti sint.

De episcopo cæco, qui per presbyterum suum, presbyterum & diaconos duos ordinauerat. Cap. CXI.

Ex cōcil. Bragga. cap. 5. **A**d cognitionem nostri examinis Gabrensis diaconi relatu peruenit de quibusdam ipsius Ecclesiae clericis, quorū dum vñus ad presbyterij, duo ad Leuitarum ministerium cōsecrarentur, episcopus autem eorū oculorum dolore detentus, fertur manū suam super hos tantūm posuisse, & presbyterum quandam illis contra ecclesiasticum ordinem benedictionē dedisse. Qui licet propter tantam præsumptionis audaciā poterat accusatus iudicio præsentī damnari, si adhuc in corpore positus, non fuisse mortis vocatione præuentus: sed quia iam ille examini diuino relictus est, humano iudicio accusari non potest: hi qui supersunt, & ab eo non consecrationis titulu, sed ignominia potius eulogium percepereunt, ne sibi licentiam talis usurpatio faciat, decreuimus ut gradum sacerdotis, vel Leuitici ordinis quem peruersē adepti sunt depositi æquo iudicio abeat. Tales enim merito iudicati sunt remouēdi, quia prauè inuenti sunt constituti.

Quod non oporteat episcopum per pecuniam quempiam ordinare. Cap. CXII.

Ex cōcil. Chalced. Cap. 2. **S**i quis episcopus per pecuniā fecerit ordinationem, & sub precio redegerit spiritus sancti gratiā que non potest vendi, ordinaueritque per pecuniam episcopum, aut presbyterum, aut diaconum, vel quemlibet ex his qui connumerātur in clero: proprij gradus periculo subiacebit. & qui ordinatus est, nihil ex hac ordinatione proficiet, sed alienus sit à dignitate. Si quis verò mediator datis vel acceptis extiterit: si quidem clericus fuerit, proprio gradu decidat: si verò monachus, aut laicus, anathematizetur.

Quod munus etiam sit à lingua vitandum. Cap. CXIII.

Ex dictis Gregorii papae. **S**unt nonnulli qui nummorum quidem præmia ex ordinatione non accipiunt, tamen sacros ordines pro humana gratia largiuntur. Hi nimirum quod gratis accipiunt,